

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINA NOVI TRAVNIK
OSNOVNA ŠKOLA „SAFVET-BEG BAŠAGIĆ“
Email:oskolasafvetn.tr@bih.net.ba

Broj: 983/2026
Datum, 10.08.2026.godine

Na osnovu člana 57. Zakona o osnovnoj školi ("Sl. novine SBK", broj: 11/01, 17/04), člana 3. Uredbe o postupku prijema u radni odnos u javnom sektoru u Srednjobosanskom kantonu („Sl. novine SBK“, broj: 7/18), Pravilnika o postupku prijema u radni odnos u Osnovnoj školi „Safvet-beg Bašagić“ Novi Travnik broj: 686-1/2023 od 07.07.2023. godine, Saglasnosti Ministarstva obrazovanja, nauke, mladih, kulture i sporta SBK broj:03-30-sl./26. od 31.07.2026.godine i Odluke Upravnog odbora škole broj: 982/2026 od 10.08.2026.godine, JU OŠ „Safvet-beg Bašagić“ Novi Travnik raspisuje:

JAVNI OGLAS
za prijem radnika na upražnjena radna mjesta u šk.2026/2027.godini

1. Nastavnik razredne nastave..... 1 izvršilac na neodređeno vrijeme
2. Nastavnik matematike, 19 sati sedmično..... 1 izvršilac na neodređeno vrijeme
3. Nastavnik matematike, 4 sata sedmično..... 1 izvršilac na određeno vrijeme, do 30.06.2027.godine
4. Nastavnik engleskog jezika, 6 sati sedmično..... 1 izvršilac na određeno vrijeme, do 30.06.2027.godine
5. Nastavnik njemačkog jezika, 10 sati sedmično..... 1 izvršilac na neodređeno vrijeme
6. Nastavnik biologije, 20 sati sedmično.....1 izvršilac na određeno vrijeme, do povratka radnika sa funkcije, a najduže do 30.06.2027.godine.
7. Nastavnik biologije, 2 sata sedmično..... 1 izvršilac na određeno vrijeme, do 30.06.2027.godine
8. Nastavnik demokratije i ljudskih prava, 3 sata sedmično...1 izvršilac na određeno vrijeme, do 30.06.2027.godine
9. Nastavnik vjeronauke, 22 sata sedmično.....1 izvršilac na neodređeno vrijeme
10. Nastavnik vjeronauke, 8 sati sedmično.....1 izvršilac na određeno vrijeme, do 30.06.2027.godine
11. Nastavnik historije, 21 sat sedmično.....1 izvršilac na neodređeno vrijeme.
12. Nastavnik kulture življenja, 3 sata sedmično..... 1 izvršilac na određeno vrijeme, do 30.06.2027.godine
13. Nastavnik informatike, 2 sata sedmično.....1 izvršilac na određeno vrijeme, do 30.06.2027.godine

I Pored općih uslova predviđenih Zakonom o radu („Sl. novine FBiH“, broj: 26/16, 89/18), kandidati trebaju ispunjavati i uslove u pogledu stručne spreme propisane Zakonom o osnovnoj školi ("Sl. novine SBK", broj:11/01,17/04), Pedagoškim standardima za osnovne škole („Sl. novine SBK“, broj: 8/05), i izmjene i dopune nastavnih planova i programa za devetogodišnje osnovne škole koje nastavu realizuju na bosanskom jeziku u Srednjobosanskom kantonu broj: 01-34-76/2021 od 20.01.2021.godine

II Opis poslova i radnih zadataka:

Izvođenje nastave u okviru struke, a u skladu sa Nastavnim planom i programom, Pedagoškim standardima, te poslove vezane za vođenje pedagoške evidencije i dokumentacije.

III Mjesto obavljanja rada i radno vrijeme: JU OŠ „Safvet-beg Bašagić“ Novi Travnik.

IV Radno vrijeme:

Za radna mjesta od broja 1 do broja 13, radno vrijeme bit će utvrđeno u skladu sa brojem časova.

V Kandidati trebaju obavezno dostaviti:

1. Prijavu koja sadrži: ime i prezime kandidata, adresu stanovanja, kontakt telefon/mobitel, e-mail adresu, naziv radnog mjesta za koje se prijavljuje, naziv dnevnih novina ili stranice škole u kojima je oglas objavljen s datumom objave i popis priložene dokumentacije na prijavi. Prijava mora biti svojeručno potpisana,
2. Biografiju, koja mora biti svojeručno potpisana,

3. Diplomu o završenoj odgovarajućoj stručnoj spremi: viša VI/1 i visoka stručna sprema VSS/1, te završen prvi ciklus sa najmanje 240 ECTS bodova,
4. Dodatak diplomi (kandidati koji su završili studij po bolonjskom procesu obavezni su uz diplomu dostaviti i suplement – dodatak diplomi, a za magistre diplome i dodaci za oba ciklusa),
5. Za pozicije pod rednim brojevima 9. i 10. (nastavnik vjeronauke), kandidati moraju dostaviti potvrdu Islamske zajednice o ovlaštenju za podučavanje vjeronauke (Saglasnost izdata od Rijasetu i potpisana od rejsu-l-uleme)
6. Izvod iz matične knjige rođenih,
7. Uvjerenje o državljanstvu,
8. Potvrdu o položenom stručnom ispitu, ako kandidat ima položen stručni ispit.

VI Uz prijavu na oglas, kandidati su dužni priložiti isprave i dokaze u originalu ili ovjerenoj kopiji koja ne može biti starija od 6 mjeseci.

VII Prioritet kod zapošljavanja imaju kandidati koji su proglašeni tehnološkim viškom u školama SBK-a i kandidati sa nepotpunom nastavnom normom sa statusom na neodređeno vrijeme u školama SBK-a, u skladu sa odredbama Kolektivnog ugovora, („Službene novine SBK“ broj:11/25), Kriterija i procedura za zbrinjavanje nastavnika koji ostaju bez dijela norme, proglašenje tehnološkog viška u osnovnim i srednjim školama SBK-a broj:01-30-534/20 od jula 2020.godine. Kandidati koji se javljaju na dopunu norme sa statusom na neodređeno vrijeme trebaju dostaviti (original ili ovjerene kopije): potvrdu o broju časova iz škole u kojoj rade sa područja SBK-a i broju časova koji nedostaju, ovjerenu bodovnu listu iz škole u kojoj je proglašen tehnološkim viškom ili ostaje bez dijela norme, kopiju Ugovora o radu i potvrdu o dužini radnog staža (PIO). Kandidati proglašeni tehnološkim viškom sa područja SBK-a dužni su dostaviti Rješenje o tehnološkom višku i potvrdu o dužini radnog staža u obrazovanju nakon sticanja stručne sprema (PIO).

VIII Prednost pri zapošljavanju, pod jednakim uslovima, imaju kandidati koji ostvaruju prava u skladu sa Zakonom o pravima boraca i članova njihovih porodica, Zakonom o pravima demobilisanih boraca i članova njihovih porodica i Zakonom o posebnim pravima dobitnika ratnih priznanja i odlikovanja i članova njihovih porodica, uz obavezu pozivanja na poseban zakon. Prednost pri zapošljavanju kandidati dokazuju odgovarajućim dokumentima od zakonom mjerodavne institucije (potvrda, uvjerenje i sl.) koje prilažu prilikom prijave na javni oglas.

IX Razmatrat će se samo one prijave kandidata prijavljenih na oglas koje su podnesene pravovremeno i koje su potpune, te koje ispunjavaju formalne uslove iz oglasa. Komisija za provođenje javnog oglasa obavijestit će kandidate čija dokumentacija nije potpuna putem e-maila prijavljenog kandidata.

X Kandidati koji ispunjavaju uslove oglasa, obavezni su pristupiti pismenom ispitu i usmenom intervjuu.
- Pismeni dio ispita će se obaviti, u prostorijama škole, 24.08.2026.godine sa početkom u 9.00 sati, a intervju isti dan u 11.00 sati.

Pismeni ispit polaže se u vidu testa. Pitanja iz pismenog dijela ispita odnose se na opće znanje kandidata, znanje iz djelatnosti odgoja i obrazovanja i znanje iz oblasti radnog mjesta na koje se kandidat prijavio.

Kandidati koji ne pristupe ispitima u zakazano vrijeme, smatrat će se da su odustali od prijave na javni oglas.

Kandidati koji se prijavljuju na konkurs s pravom prioriteta (za dopunu norme ili kao tehnološki višak) nisu obavezni pristupiti proceduri dodatnog provjeravanja ili razgovora u kojem će se ponovno preispitivati njihova stručnost i kompetencije za posao. Navedeni kandidati, koji dostave svu potrebnu dokumentaciju, se ne ocjenjuju nego se automatski uvrstavaju na listu uspješnih kandidata s naznakom da se primaju po pravu prioriteta.

XI Izbor kandidata vršit će se na osnovu Pravilnika o postupku prijema u radni odnos u Osnovnoj školi „Safvet-beg Bašagić“ Novi Travnik i Pravilnika o kriterijima i procedurama za zbrinjavanje nastavnika koji ostaju bez dijela norme i proglašenje tehnološkog viška u Osnovnoj školi „Safvet-beg Bašagić“ Novi Travnik.

XII Visina plaće utvrđuje se u skladu sa važećim Kolektivnim ugovorom za djelatnost osnovnog školstva SBK-a.

- XIII** Obavijest kandidatima, Odluka o prijemu u radni odnos izabranog kandidata i Lista uspješnih kandidata sa bodovima dostavlja se na e-mail adresu kandidata, a dostava naprijed navedenog svim kandidatima smatra se obavljenom istekom osmog dana od dana prijema putem e-mail adrese kandidata u kojem teče i vrijeme za žalbu.
- XIV** Izabrani kandidati su obavezni prije stupanja na posao, u roku od sedam (7) dana, dostaviti lječarsko uvjerenje o psihofizičkoj radnoj sposobnosti, nalaz na zarazne bolesti i ovisnosti, uvjerenje o nekažnjavanju i uvjerenje da se protiv kandidata ne vodi krivični postupak i Uvjerenje nadležnog MUP-a da se kandidat ne nalazi u posebnom Registru lica pravomoćno osuđenih za kaznena djela protiv slobode i morala prema djeci i maloljetnicima u FBiH (ne stariji od 6 mjeseci).
- XV** Kandidatima koji ne budu primljeni dokumentacija neće biti vraćena, te istu mogu lično preuzeti u školi 30 dana nakon isteka žalbenog roka.
- XVI** Obavijest o Javnom oglasu se objavljuje u dnevnim novinama, a puni tekst javnog oglasa na web stranici škole: <https://ossafvet-beg-basagcent.webnode.com>, te se dostavlja Službi za zapošljavanje SBK-a koja isti objavljuje na svojim mrežnim stranicama.
- XVII** Dodatne informacije u vezi oglasa mogu se dobiti na broj telefona škole: 030/525-013. Kontakt osobe: direktor škole i sekretar škole.
- XVIII** Javni oglas ostaje otvoren osam (8) dana od dana objavljivanja.

Prijava na oglas podnosi se **isključivo** putem pošte, na adresu:

JU OŠ „Safvet-beg Bašagić“, Kalinska 52 A, 72290 Novi Travnik, u zatvorenoj koverti, s naznakom NE OTVARATI – PRIJAVA NA JAVNI OGLAS (navesti poziciju i redni broj radnog mjesta, iz Javnog oglasa, na koju se kandidat prijavljuje). Na poledini koverta navesti ime i prezime i tačnu adresu podnosioca prijave.



Direktor škole
Faruk Džan, mr.